



25. Marts 2019

UPA 2019/22

Atassut

Aqqaluk Heilmann

**Siunnersuut uunga: Isiginnaartitsisarfeqarneq pillugu Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2019-imeersoq** (Kalaallit Nunatta Isiginnaartitsisarfiani siulersuisut ilaasortassaannik inassuteqarsinnaatitaanerup allanngortinneqarnera aamma atorfinitsitaanermut tunngasut pillugit aalajangersakkamik ilanngussineq)

Inatsisit allanngortinneqarnissaat pillugu siunnersuummi ersarippoq pingaarnertut Nunatta Isiginnaartitsisarfiata kissaatigisimasaa malillugu ilaasortamik minnerpaamik ataatsimik aqutsinermik ilisimasaqartumik, tassunga ilanngullugu aningaasaqarnermut inatsisilerinermullu tunngatillugu ilisimasaqartumik toqqaasoqartarnissaa. Tamannalu taperserparput.

Nalunngilarput KANUKOKA 31. juli 2018 atorunnaartoq, malitsigaalu nutarterineq naleqqussaqqinnerlu, taamaammatt malugineqareersimasutuut ilaavortaaq inatsimmi § 4, imm. 2, nr. 2-mi suleqatigiiffik inassuteqarsinnaatitaasoq allanngortissallugu siunertamut naapertuuttutut isigineqarnera, tassa inatsit atuuttoq malillugu KANUKOKA-soq kommunit ataatsimoorlutik inassuteqarsinnaanerannik allanngortillugu.

Kiisalu peqatigiiffik KAISKA atorunnaarsimammatt, massakkullu peqatigiiffik atuummat SILA Kalaallit Nunaanni isiginnaagassiortartunut sinniisuulerluni.

Siunnersuummi takuneqarsinnaavoq siulersuisut aggulugaaneratt kiisalu tassannga ulluinnarni ingerlatsisuusut kissaatigisaat malinneqartoq.

Taamaattumik allannguutissatut siunnersuutigineqartoq Isiginnaartitsisarfeqarneq pillugu Inatsisartut inatsisaat nr. 23, 18. november 2010-meersoq taama isikkoqartillugu taperserparput.